

Powšitkowne WOZJEWJENJA

njedźelu, 7. awgusta 2016

Družki na zapokazanje noweho biskopa

Dekanatne dušepastyrstwo přeprašuje holcy wot 8. lětnika ze serbskich wosadow jako družki (čorny pjezlk a wulke rubiško) na zapokazanje noweho biskopa Heinricha Timmereversa sobotu, 27. awgusta, w Drježdžanskej katedrali. Přizjewjenja přijimuju so hač do srjedy, 10. awgusta, w Don Boskowym domje we Worklecach, telefonowe čisło (03 57 96) 9 55 95. *Farar Gabriš Nawka*

Džakna Boža mša a grilowanje

Wšitcy serbscy wobdželnicy swětowego zetkanja młodžiny w Krakowje a wšitcy ći, kotřiž njesu sobu jěc móhli, su přeprašeni na džaknu Božu mšu pjatk, 12. awgusta, w 19.00 hodž. na Kukowske hrodzišćo. Při wegetariskich grilowanych chłóšćenkach chcemy po kemšach wróco zhladować na njezapomnite zchromadne dny.

*Farar Gabriš Nawka, dekanatny dušepastyr młodžiny
a Leńka Langec, młodžinska referentka*

Wotkryće wopomnjenskeje tafle za Jana Kiliana w Delanach pod Čornobohom

W dole sewjernje Čornoboha mjez Rachlowom a Delanami je přez spinanje małeje rěčki z mjenom Albertowka jězora nastał. Wokoło jězora připrawjeni puć so za ludźi, kotřiž w přirodze wočerstwjenje pytaja, derje k wuchodžowanju hodži. Na kromje Delan, tam, hdžež so tutón puć wsy najbóle bliži, mamy statok, hdžež narodži so před wjace hač 200 lětami serbski duchowny, pěsnjer a pozdžiši nawoda emigrantow Jan Kilian. Z wopomnjenskeje tafli na jeho ródny domje ma so tu w Delanach pod Čornobohom přichodnje na njeho dopominać. Bukečanska wosada přeprašuje wšitkich zajimowanych do Delan na swjatočne wotkryće tuteje wopomnjenskeje tafle sobotu, 13. awgusta, w 14.30 hodž. Swjedženskeje narěči změjetaj Trudla Malinkowa a wosadny farar Thomas Haenchen. Chór Budyšin a Bukečanski pozawnowy chór swjatočnosť wobrubitej. A Delanscy wjesnjenjo chcedža wopytowarjow pohosćić.

Arnd Zoba

Notowy material kěrlušow za dujerjow

Załožba za serbski lud je tele dny wudała zešiwk z kěrlušemi, kotrež je Jan Cyž za dujerjow wobdželał. Dohromady je to 101 kěrluš. Rjadowane su wone po swjedženjach w běhu cyrkwinskeho lěta a druhich składnosćach. Na předań je notowy material – partitury a hłosy – w Budyskej Serbskej kulturnej informaciji.

Z busom na zapokazanje noweho biskopa

Na zapokazanje noweho Drježdžansko-Mišnjanskeho biskopa Heinricha Timmereversa sobotu, 27. awgusta, w Drježdžanach pojedže tež bus Šmitec wozydłownistwa. Zajimcy měli so hač do pjatka, 19. awgusta, w Radworju pola Šmitec přizjewić, telefonowe čisło (03 59 35) 28 60.

Atraktiwne džěło w Domje swjateho Jana

Při nowym poskitku spěchowanja duchownje zbrašenych pyta Dom swjateho Jana w Smječkecach žónske a muske fachowe mocy předewšěm z kwalifikaciju ergoterapeuta, fyzioterapeuta, hladarja a kublarja zbrašenych a podobne. Džělowe městna maja so hnydom abo po dorěčenju wobsadzić. Džělowy čas je mjez 8.00 a 17.00 hodź. Dalše informacije dóstanu zajimcy w Smječkecach pod telefonowym čislom (03 57 96) 88 61 11.

Dom swjateje Ludmile pyta pomocnicy

Za Dom swjateje Ludmile w Chrósćicach pytamy dobrowólne pomocnicy, kotrež měli wobydlerjow starownje k Božej mši přewodźeć. Kemše su stajnje wutoru a štwórtk w 9.00 hodź. Witana je kóždy pomoc, tež jeničce na jednym dnju. Přizjewić měli so zajimče pola wjednistwa domu pod telefonowym čislom (03 57 96) 9 47 30. *W. Brězan*

12. serbski swjedzeń we Wuježku

Serbske ewangeliske towarstwo přeprašuje sobotu, 20. awgusta, na lětnje pućowanje a serbski swjedzeń do Wuježka pod Čornobohom. Zetkamy so w 13 hodź. pola Krygarjec we Wuježku, čisło 31A, abo w 13.15 hodź. na parkowanišću mjez Splóskom (Pielitz) a Schönbergom. Wottam chcemy přez Hromadnik a Čertowe wokno na Čornobóh a dale do Wuježka pućować. Njezabudźće na krute črije a dołhe cholowy! Po puću njech so kóždy sam ze swojeho nachribjetnika zastara.

Po zwučenym wašnju přizamknje so pućowanju a swačini w 17 hodź. nutrosć ze superintendentom Janom Malinkom na Pawlikec statoku. Wot 18.00 hodź. předstaji skupina Podka z Drježdžan swój program. W bróžni budže bifej natwarjeni. Štóž chce tykanc k swačini napjec abo něšto k bifejej přinošować abo dwór sobu spřihotować, njech so prošu pod telefonowym čislom (03 59 39) 8 05 02 přizjewi. Tež ći, kotřiž trjebaja transport, njech so prošu přizjewja. Na nutrosć pojedže zaso bus po wsach Bukečanskeje wosady a po programje zaso domoj. Nimo toho budže tohorunja móžno, pola Krygarjec na zahrodže stanować a přenocować. Wutrobnje witani su tež wšitcy ći, kotřiž chcedža hakle na nutrosć abo program přińć.

Krygarjec swójba z Wuježka a Serbske ewangeliske towarstwo